

貴池縣志

230.167
39
19



貴池縣志卷三十九

知貴池縣事陸延齡重修



人物志

方技

明

張紳洪武閒以薦授右僉都御史工書著有稱名篇論執筆法

為時所宗

府志 按通志 紳載宦績新纂

汪九仞侍郎珊之子善風鑑斷人休咎坐照如神

舊志

章一第號涵虛世有隱德治小兒痘如神尤善為婦人醫子大

貴池縣志

卷三十九

人物志

方技

一

寰字宇小世其學

舊志

僧曉雲上雲寺僧善治痘有他醫以為可治者曉雲獨不可亦

有他醫以為不可治者曉雲獨可計月斷生死無一差不責

報後以授其徒通和通和之術復過於師以從吳應箕起義

死遂失傳

舊志

朱良翰號文泉其先系出金華世以醫著深明脈訣投劑如神

子世甯崇禎時繼其業有名於時別見孝友傳

舊志

國朝

曹日瑛字恆齋工書畫康熙初遊京師王公巨卿尊禮之

四方多索筆墨以輝屏幃嘗爲內監書扇

聖祖仁皇帝見而賞之授翰林院待詔

御纂性理精義周易折中諸書曰瑛皆充武英殿繕寫采訪冊

夏鼎字禹鑄康熙八年武舉精岐黃術尤善爲小兒醫起

死回生百試百驗著幼科鐵鏡六卷精理奇方多前人所

未發海內傳之采入

欽定四庫全書采訪冊

以上漆志附新纂

童汝吉精堪輿康熙乙未書邑吳尚書襄以雙溪高隱題

貴池縣志

卷三

人物志

方技

一一

贈采訪冊

姚維號竹溪工六法采訪冊

郎梓號琴舫工畫蘭采訪冊

吳邦彥例貢生精堪輿善醫術兼工詩賦采訪冊

章元弼監生字鼎臣年踰七旬精岐黃診脈立方折衷盡

善活人無數著有傷寒註疏醫學淵源及醫案編采訪冊

陳其祥文生善書畫著有詒謀集采訪冊

陳之蔭善畫水墨牡丹尤工題咏采訪冊

姜尚周精堪輿善奇門術能預決水火時刻言無不應屢

言城南大橋有礙縣事議改浮橋未果而尙周卒

采訪冊

方正明號紫峰從九品精堪輿善卜筮光緒二年新建文昌宮時日方向皆所手定待人誠篤時行方便年七十入夫婦齊眉眼觀四代子二孫八曾孫七長子策歲貢

人咸謂其積善有慶云

采訪冊

以上新纂

